

Broj: 01-04-13-07032/2023

Datum: 13.12.2023.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI DOM

Tajnik –Ivan Miličević

Veza vaš akt br. 05/1-02-494/23 od 29.11.2023.godine

n/p – zastupnica Suada Halilović

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE

n/p- generalna sekretarka mr.sci. Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		14-12-2023	
Org. jed.	Broj	Priloga	Vrijednost
05/1	-02-	494	/23

PREDMET: Odgovor na zastupničko pitanje, *dostavlja se*

Federalna uprava za inspekcijske poslove zaprimila je dana 04.12.2023.godine akt gornji broj koji je zastupničko pitanje koje je postavila zastupnica Suada Halilović na 7.redovnoj sjednici Zastupničkog doma Parlamenta Federacije BiH, održanoj dana 28.11.2023.godine.

Uvažena zastupnica se obratila Federalnoj upravi sa pitanjem da li se ispitalo zakonsko uporište uvoza i sigurnosti plasiranog proizvoda „PRIME“ na tržištu Federacije BiH. U obrazloženju svog pitanja, uvažena zastupnica je ukazala na informacije koje su se pojavile u medijima da je navedeni proizvod dostupan na tržištu BiH, te o zabranama plasmana i prodaje u Sloveniji, a Hrvatska je već započela procedure utvrđivanja štetnosti i pronalaska zakonskog rješenja za ograničenje konzumacije energetskih napitaka, kao i bojazni koja se pojavila u javnosti da navedeni proizvod „PRIME“ sadrži nedozvoljene supstance „L-teanina“.

U pripremi odgovora na konkretno zastupničko pitanje, učešće je uzeo Federalni zdravstveni inspektorat i Sektor granične inspekcije, koji se očituju kako slijedi:

Dana 15.11.2023. godine, Federalna uprava za inspekcijske poslove zaprimila je akt Agencije za sigurnost hrane Bosne i Hercegovine – obavijest da je Inspekcija Uprave za sigurnost hrane, veterinarstvo i zaštitu bilja Republike Slovenije (UVHVVR) temeljem prijave izvršila kontrole napitka „Prime drinks“. Utvrđeno je da na tržištu postoje dvije verzije napitka – hidrationski, bez kofeina i energetski s kofeinom.

Naknadna kontrola sastojaka pokazala je da energetski napitak Prime sadrži sastojak L-teanin, koji nije dopušten u bezalkoholnim pićima, zbog čega je uvedena zabrana prometovanja.

- Pojačani inspekcijski nadzori u prekograničnom prometu roba – uvoz u BiH na graničnim prijelazima na području Federacije BiH

U vršenju pojačanih nadzora u prekograničnom prometu roba, odnosno uvozu u BiH putem graničnih prijelaza na području Federacije BiH temeljem zaprimljene obavijesti, federalna sanitarna inspekcija na Graničnom prijelazu / Mjestu carinjenja (GP/MC) Rajlovac - Sarajevo je dana 30.11.2023. godine, zbog neispunjavanja uvjeta za uvoz, **zabranila uvoz pošiljke 1.596 komada napitka Prime Ice Pop Hydration** porijeklom iz Velike Britanije.

Naime, u postupku inspekcijskog nadzora nad uvozom životnih namirnica i hrane čije se carinjenje vrši na MC Rajlovac - Sarajevo, uzeti su uzorci kontrolisanog proizvoda čijom je laboratorijskom analizom utvrđeno, da sadržaj proizvoda **NE ODGOVARA** informacijama koje su date krajnjem potrošaču, uključujući podatke na deklaraciji i informacije u vezi s izbjegavanjem konzumiranja specifičnih sastojaka koji štetno djeluju na zdravlje ljudi. Nadalje, utvrđeno je da je uzorak nepotpuno i nepropisno deklarisan, što je u suprotnosti s članom 6. Zakona o zdravstvenoj ispravnosti životnih namirnica i predmeta opće upotrebe ("Službeni list SFRJ", broj: 53/1991), te članovima 12., 13., 18. i 20. Zakona o hrani, te se kao takva pošiljka ne može uvesti niti staviti u promet.

Također, ispitani uzorak PRIME ICE POP HYDRATION 500 ml **NE ODGOVARA** članu 15. tačka 1. i članu 17., *Pravilnika o pružanju informacija potrošačima o hrani* („Službeni glasnik BiH“ , broj 68/13).

Shodno tome, a prema članu 26. stav 4. i 5. Zakona o zdravstvenoj ispravnosti životnih namirnica i predmeta opšte upotrebe, uvoz zdravstveno neispravnih namirnica i predmeta opšte upotrebe je zabranjen i naređen njihov povrat pošiljatelju odnosno, da se da na uništenje, ukoliko nije moguć povrat pošiljatelju.

- Inspekcijski nadzor na tržištu u FBiH

Što se tiče unutrašnjeg prometa i prisustva napitka „PRIME“ na unutrašnjem tržištu u Federaciji BiH, neposredno po zaprimanju obavijesti, Federalna uprava za inspekcijske

poslove je bez odlaganja dana 15.11.2023 godine, akt Agencije za sigurnost hrane Bosne i Hercegovine, proslijedila nadležnim kantonalnim upravama za inspekcijske poslove, ministarstvima zdravstva i općinama koje imaju uposlene sanitarne inspektore.

Napominjemo da Federalna uprava za inspekcijske poslove raspolaže sa samo dva (2) inspektora za hranu za područje cijele Federacije BiH, te da se poslovi u ovakvim situacijama koordiniraju s kantonalnim i gradskim/općinskim inspekcijskim organima koji imaju veći broj inspektora neposredno na terenu.

Do ovog trenutka, Federalna uprava za inspekcijske poslove zaprimila je povratnu informaciju - akt Uprave za inspekcijske poslove HBK – Livno, kojim nas obavještavaju da sporni proizvod Prime energetski napitak s kofeinom, tokom inspekcijskih kontola na području pomenutog kantona, nije zatečen u prometu. Za hidratacijski napitak bez kofeina nismo dobili informaciju.

Federalna uprava za inspekcijske poslove je o svemu blagovremeno obavijestila Agenciju za sigurnost hrane BiH, radi daljeg postupanja i poduzimanja mjera iz njihove nadležnosti.

Vezano za ovo zastupničko pitanje, ukoliko Federalna uprava dobije od strane drugih kantonalnih inspekcijskih organa informacije u vezi prisustva ovog pića (PRIME energetski napitak s kofeinom) na terenu, sačinit ćemo i dostaviti dopunu odgovora zastupnici.

S poštovanjem,


Dostavljeno:

1 x Tajnik Ivan Miličević

1 x zastupnica Suada Halilović

1 x Generalna sekretarka Vlade FBiH- mr. sci. Edita Kalajdžić

1 x a/a


DIREKTOR

Mr. Anis Ajdinović